

中興禮書

中興禮書第九十四卷

吉禮九十四

奉迎太廟主

建炎元年七月十九日詔兵部郎官太官寺官各一員計置舟船車乘等迎奉神主赴行在就差太廟視事官擡昇殿前司差撥禁軍三百人防護內侍二員充同共都大主管應用禮器隨宜充代荐新儀物令所至州軍斟酌應副

三年四月二日尚書省言太廟元背負太祖皇帝神主親視官李寶稱至瓜州被番人驅虜遂至遺失詔令沿路州軍限半月尋訪有得之者有官人與轉五官白身人補保義郎其尋訪官司當議取旨推恩

十月十八日從衛禮郎太常寺言准批送下權太常少卿鄭士彥劄子昨差禮直官單中度等前去東京般取未到神主今探知已自浙中水路迎奉前來候到洪州日除太祖皇帝一位合擇日奉安入室所有元奉安位牌合行藏瘞外有以次帝后神主緣廟室已足欲乞藏于別殿謹按禮經云昔齊元公舉兵作偽主以行及反藏諸祖廟廟有二主自元公始考孔子之言以二主藏于祖廟未為合禮今乞于別殿是亦權一時之宜更合取自朝廷指揮後批同共討論禮部太常寺討論除本官所乞候將來迎奉東京未到神主至洪州欲乞別設幄次權行安奉太祖皇帝神主一位以候擇日奉安入室所有見奉安位牌緣今來奉安宗廟神主去處殿廡

之側見有挾屋可以充夾室安藏迎奉到神主即不須別殿安奉于禮為宜詔依

十二月二十二日權太常少卿鄭士彥劄子勘會自來奉安祝文係學士院修撰書寫請御名訖降付本寺今來奉迎宗廟神主至虔州奉安所有合用祝文欲乞令權禮部官修撰從本寺書寫閔從衛御藥院進請御名乞降本寺供應右劄下禮部依所乞

二十三日太史局言奉安太廟別廟

神主還用來年正月六日巳酉吉時宜用其日丙時吉

二十三日權太常少卿鄭士彥劄子勘會今來奉迎宗廟帝后神主已至虔州擇日奉安畢合舉行朔祭荐享荐新之禮其應合行排辦事件并差官等欲乞並依洪州已降指揮排辦兼今來祭器足備欲乞依禮例排辦

牲牢禮料右劄子付太常寺並依所申疾速施行

四年四月五日奉迎神主所言勘會昨自建康府差鄭士彥權太常少卿護從宗廟神主前來洪州起發沿路保護至虔州並獲無虞今來鄭士彥係吏部郎中竊慮先赴行在契勘本所隨從隆祐皇太后并六宮非晚赴行在欲乞令鄭士彥依已得指揮護從提領前去免致閑悞詔依

九月五日內侍高班奉迎神主所都大主管官趙舜輔言契勘今來奉迎神主已在婺州權行安奉緣本路當衝要竊慮未得安便伏望朝廷檢詳前後臣僚申明速降指揮迎奉前去安便州軍權行奉安詔令迎奉往温州奉安

十月四日權太常少卿鄭士彥言奉詔差護從宗廟神主迎奉往温州奉安詔得昨自建康府護從宗廟神主往江表依詔旨行移係稱從衛太常寺今來從衛百司已奉聖旨並赴行在契勘即今係專管護從神主并每月朔祭薦新歲終五享奏告行禮祠事其行移即難以依舊稱從衛太常寺今欲乞以奉迎神主護從提點或提點所為名詔以奉迎神主護從提點所為名

紹興元年十月十五日新知温州洪擬言契勘宗廟神主及景靈公見在本州奉安竊慮緩急事體至重不敢一面措置伏乞預降指揮以憑遵守詔如遇緩急令逐殿主管官與鄭士彥同共措置前去福州

二年正月九日尚書省言勘會温州奉安神主神御其

供養花果燈燭之類自合嚴潔除近提刑司體究到曾  
覲等所犯係非本殿供養蠟燭已量行斷罪外慮恐本  
州習成弛慢有失朝廷崇奉之意詔令本州守臣逐時  
躬親前去檢點務要嚴潔稍有滅裂如當職官吏少有  
不虔仰按劾聞奏

三月二日神主神御提點所言契勘太廟神主景靈宮  
等處神御在温州真華觀開元寺奉安與民間屋宇相  
接所有太廟景靈宮火禁並依皇城法外今相度温州  
應遺火罪輕者並依倉庫法如在太廟百步內并依太  
廟火禁法庶知畏忌詔温州太廟百步內居止遺火者  
徒二年致延燒奉安寺觀流三千里餘依見行條法  
三年九月二十日詔奉迎温州太廟神主改稱太廟奉

迎所其監官以奉迎所幹辦官為稱提點官以太廟景

靈宮提點奉迎所為名

先是度支部中候慈言恭以清廟乃國家嚴奉祖宗之所自歷

代迄于本朝皆以太廟為無昨像車駕臨幸東南所有司一昨申請遂以迎奉神主所為名至于迎奉神御所亦

乞依舊作景靈宮稱呼尋下禮部計論于是從其請

五年二月二十二日禮部太常寺言今同共條具到奉

迎太廟神主赴行在奉安合行禮例事件下項 一俟

奉迎神主到行在日依禮例宰執率文武百僚宗室出

城奉迎 一迎奉儀其日出城赴奉迎處幕次俟報班

定神主腰輿將至班首已下並再拜訖班首出班詣香

案前搢笏三上香執笏復位班首並再拜訖少立

如值雨免

拜止于奉俟神主腰輿過班退分內南班宗室俟奉迎訖迎禮立班

從至奉安禮南班宗室陪位

行 一自奉安迎至權奉處



合差援衛親從官一百人并擡擎腰輿輦官六十人各

著儀全乞下皇城司御輦院差撥 一乞令奉迎提點

所約度奉迎神主到行在月日預報太常寺 一奉迎

并權安奉合用御封降真香三十七合一合奉迎一十合正奉安

一城外奉迎合用僧道各五十人并威儀香案麻爐匙

合炭火等並乞下臨安府排辦 一奉迎日係宰執百

官出城奉迎欲休務假一日 一合用奉安日辰及定

時尅擇官並乞下太史局選定差撥 一奉安日依禮

例皇帝不視事 一合用祝文二十四首述以十二首並

告奉安之意一十二首乞下學士院修撰書寫進書訖

降付太常寺 一合差奉安禮儀使一員乞依禮例差

宰執奏告官一員乞依例差太常少卿並降勅前一日  
赴祠所致齋 一依自來五享宗廟禮令係每室用籩  
豆各一十二所有今來奉安欲乞依温州行五享禮止例  
用八簋 一合用牲牢禮例係每室用羊豕各一今來  
欲乞依見今行五享禮例止用羊一十二 一合用禮  
料酒齊幣帛蠟燭燎草上香炭火等乞從太常寺具合  
用數報臨安府排辦 一合差奉安奉禮郎太祝太官  
令各一員乞降勅差郎官內侍前奏告奉禮郎太祝太  
官令各一員乞依例下吏部差待次官 一合差奉遣  
神主宮闈令一十二員除本廟官二員外餘一十員乞  
于入內內侍省差前一日赴祠所致齋 一至日依禮  
例宗室南班官陪位立班乞下大宗正司告報 一行

事官合服祭服祇應入合服法服乞從太常寺具數下祇候庫閔借 一奉安儀注乞從太常修定關報詔依二十七日中書門下省言勘會已降指揮差張銖奉迎太廟別廟神主赴行在所奉安其奏告進發合用御書祝文及御封香及順祖一室亦合告遷詔祝文令學士院修撰進八香令入內內侍省請降仍差內侍一員前去候香燭到令張銖選日奏告進發

三月十六日太廟景靈宮提點奉迎所狀已降指揮奉迎太廟別廟神主赴行在所奉安及令選日行走告禮畢于同日擇時告遷進發尋勅温州陰陽官選到日時奏告宜用三月十二日乙酉吉告遷宜用乙時吉進發宜用丁時吉右劄付禮部照會仍將應用排辦事件疾

速施行

四月六日奉執進呈太常少卿張鉅自温州奉

望拜于

門外即具威儀迎入奉安所上曰俟有司卜日

奉安畢朕當躬行致謁之禮然國朝故事太廟尚質至

于惟陛下宗廟縱有必華亦須粗備孟廣

六年八月十二日尚書省言勘會已降詔巡幸所有太

廟神主禮合迎奉前去詔恭依其合行事件令太常疾

速條具十六日太常寺言今參酌條具到迎奉合行事

件一將來車駕進發前一日依禮例係太常寺官詣

神主前燒香行告遷之禮訖捧遷神主升船沿路係于

車駕前進發及依自來巡幸迎奉禮例遇朔日係護從

官詣神主燒香若遇荐享日亦乞依朔日禮例行燒香

之禮其合用香乞從本寺具合用數闕入內內侍省請

降依禮例係差太常寺官護從提領今乞朝廷差官

一沿路奉迎神主之儀其日禮生預集長吏以下俟神主船將至再拜訖班首詣香案前搢笏三上香訖復位並再拜訖俟前神主前過退奉辭亦如之

若值雨降依禮則免拜

一安奉神主合用座船二隻及護從官座船二隻裝載御封香禮書及禮直官等共用網船一隻並乞指揮所屬差撥護從提領官差太常少卿林季仲餘依

十七日太常寺言據太廟奉安所條具合行事件本寺今奉酌裁定下項 一乞差安奉神主座船二隻并安載祭器香火等舟船二隻並乞行下兩浙轉運司差撥

一本廟見管皇城司親事官五十人殿前司護衛禁軍二十人今乞各添差一百人本寺契勘今來係隨從車駕進發今相度除親事官更不添差外其禁軍乞下

殿前馬步三司貼差三十人通舊作五十人為額一  
本廟虞主挾室冊寶并重大官物等並留在廟欲乞下  
皇城司差親事官二十人充看守及守門祇應候回日  
發遣詔依

二十七日太常寺言今續有合申請事件下項 一今  
來已降指揮車駕進發日先赴上天竺寺燒香契勘其  
日迎奉神主于車駕前進發所有應留臨安府治事文  
武百僚依禮例先次奉辭神主如內有合從上天竺寺燒  
香官趁赴奉辭神主不及乞免趁赴 一迎奉宗廟陞  
船合用撻擎神主腰輿輦官園子親從官欲乞下御輦  
院皇城司各差五十人詔依

七年二月九日隨軍都轉運使梁汝嘉言檢會自臨安

府移蹕至平江府體例太廟神主係先一程行今來水陸路頓乞依例施行太常寺言乞契勘昨自臨安府迎奉神主至平江府係車駕前一日進發今來迎奉往建康府合依上件體例前一日行詔依

十九日尚書省言勘會建康府法寶寺及天慶觀見修殿宇祇備奉安神御內法寶寺奉安天章等閣神御天慶觀奉安太廟神主詔恭依

三月二十八日行在禮部太常寺狀據太廟奉安所申勘會迎奉宗廟已至建康府天慶觀奉安今具合行申請事件劄付禮部依所申施行 一欲乞下建康府差禁軍五十人專充潛火祇應 一行宮太廟見有夾室虞主冊寶祝版并腰輿官物欲乞差本所軍兵二人前

去太廟同本廟專知官管押般取令臨安府差撥寬料  
出江網船一隻裝發前來十二月十一日中書門下省  
言已降旨來春復幸浙西所有太廟神主合先次進發  
詔恭依仍令太常寺擇日迎奉十六日尚書省言太史  
局選到神主進發吉日宜用十二月二十二日巳卯吉  
又宜十二月二十六日癸未吉詔用十二月二十六日  
十七日行在太常寺言今月二十六日太廟神主進發  
今依例比附條具合行事件 一今來迎奉神主詣臨  
安府本廟安奉 一將來進發日依禮例太常寺官詣  
神主前燒香行告遷之禮 一依禮例俟列行宮今太  
常寺報太史局擇日奉安依時舉行祭享 一告遷奉  
辭奉迎奉安合用香并差援衛親從官輦官僧道並依



例下所屬差撥排辦 一迎奉神主自建康府陸路進發至鎮江府沿路合用排辦宿頓輦次欲乞下江東兩浙轉運司行下所至州軍預行計會釘設排辦 一迎奉神主依禮例係太常少卿護從前去合用印記乞申禮部關借奉使印一面仍免月申其本寺印記令權博士王言恭妝掌行使 一迎奉神主本寺少卿合用三百料座船一隻并裝載御封香禮神真玉祝版禮書法物案牘等三百料船三隻並乞下江東路轉運司差撥詔依

二十一日禮部太常寺言太廟神主先次進發今參酌條具到合行事件 一俟奉迎神主將至行宮留守率文武百僚依禮例出城奉迎神主及俟降船南班宗室

騎導太常少卿後從升殿燒香謹奉安並如儀 一乞  
令行在太常寺太廟奉安所約度奉迎神主列行宮月  
日預報行宮本寺以憑開報所屬排辦及差援衛親從  
親事官輦官僧道及奉迎日依例作體務假一日詔依  
十二月三十日行宮禮部太常寺言已降指揮神主降  
船去處于北倉南河次今來竊慮旋行修蓋席屋別致  
勞費兼恐值雨不便今踏逐到城外稅亭降船依詔

二十八日禮部太常寺言太廟神主先次進發所有權  
奉安奏告及正奉安合用御香祝文幣帛禮料酒齊并  
羊一十二盞豆各八及奉安日皇帝不視事并行禮儀  
注行事等官祭服法依差尅擇官等欲乞並依紹興五  
年二月二十二日自温州迎奉赴行在已降指揮禮例  
施行所有合差奏告行事等官并奉安禮儀使奉禮郎

太祝太官令乞依例降勅差官及下吏部等處差官詔依

三十日太常寺言太廟神主先次進發今契勘進發至行宮留守率文武百官于城外燒香奉迎並服吉服勘會騎導神主宗室并陪位奏告奉安行事官禮儀使以下即未有合載所服今檢會永定陵故事未除服前祭告祠祀行事官權改告服禮畢如故今來欲乞依故事施行詔依

中興禮書第九十五卷

吉禮九十五

修蓋太廟別廟

紹興三年十月二十七日權太常少卿太廟景靈宮提點江端友言天子之居豈可無宗廟社稷禮曰君子將營宮室宗廟為先今宮室畧備宗廟豈可簡而不修今乞于臨安府行宮門內修創太廟詔依

五年二月十二日尚書省劄子已降指揮差張銖奉迎太廟神主前來行在仍委梁汝嘉雅飾同文館權充太廟奉安竊慮非脫迎到來劄付太常寺與禮部同共條具合行禮例申尚書省

十五日權知臨安府梁汝嘉言契勘本府同文館當來

起造倉猝材植細小間加窄狹難以充太廟奉安昨曾踏逐南倉空地若以蓋造太廟委是穩便兼四向地步闊遠可以限隔火燭詔依令臨安府修蓋瓦屋一十間權充太廟奉安

十七日詔蓋太廟令臨安府隨宜不得過興工役候投埤日依舊充本府使用

閏二月二十一日太常少卿陳楠等劄子臨安府申備奉聖旨修蓋瓦屋一十間權充奉安神主除已修蓋外所有殿室制度伏望下太常寺差通曉奉安制度之外前來指說本寺差使臣禮直官前去指說內有未應制度去處除遵依已降指揮不敢申請別舉江役外乞于已計料間例內那融依下項權宜修蓋伏候指揮劄子

下臨安府依所乞施行 一依廟制合設四神門外更置櫺星門二重今來止修立櫺星門即未有神門欲乞將西壁屋五間內那三間修作南神門餘二間依舊一殿東壁欲于牆內開小便門常日鎖閉至行事遇陰雨許行事官經由四門入出并東側階行禮及修砌班路并東西側階 一將見修南櫺星門却乞校于移東櫺星門地步修立

七年四月二日三省言近奉神主已到建康府所有太廟殿宇合行修建詔令守臣限一月修蓋其臨安府太廟殿宇可賜本府充聖祖殿

五月六日禮部太常寺言准批下太常博士黃積厚劄子契勘將來明堂大禮前一日車駕朝享太廟其合鋪

設祭器尊登歌大樂安奉神幄宮闈令荐香燈官遷納  
道路車駕行禮位褥位供祠執事內侍前導官應奉人  
往來班路并行事執事官立班實用西長一十三丈一  
尺南北深七丈一尺畫到圖本申納朝廷蒙下禮部看  
詳即難以更行裁減已劄下建康府修蓋續承勅知建  
康府華宗諤等劄子乞依昨本府舊太廟殿基間例修  
蓋更添造二間本寺尋行取會到建康府稱所蓋殿係  
東西共通闊一十二丈四尺南北共深四丈八尺即于  
本寺圖本東西少七尺南北少二丈三尺契勘所蓋丈  
尺並有妨行禮後批送禮部同太常寺知建康府張澄  
江東運副俞侯檢計的確間架大尺畫圖繳申尋于今  
月二日同共商議到所修太廟殿宇的確合用九間東

西闊一十三丈南北深六丈若依此修蓋將來行禮別無妨礙太常寺供到狀勘會元申修蓋太廟丈尺係依儀次第鋪設祭器大樂等并行禮路累行裁減東西實用長一十三尺南北深六丈今來建康府若止遵依已降指揮修蓋東西通闊一十二丈四尺係少六尺南北共深四丈八尺係少一丈二尺若為難得長丈材植修修蓋只于殿前簷當中接出一丈二尺隨宜安設登歌樂東西約用三丈所有東西所設祭器等見闊六尺將來委是難以依儀鋪設祭器若就地步趨那鋪設別無妨礙詔依

十年正月八日知臨安府張澄言准省劄太常少卿蘇携等劄子將來大禮前一日車駕合詣太廟行禮緣今



太廟殿室東西止闊七丈二尺南北止深三丈一尺比之建康府所修殿東西少五丈二尺南北止深少二丈九尺奉聖旨令臨安府相度措置本府今相度于太廟殿兩次間各添展一間各濶二丈一尺通本殿身共七間及于殿身前簷五間各添插一椽高一丈五尺并于殿後將新添二間與舊殿屋五間共七間各更添插兩椽通闊一十二丈四尺深六丈其後面兩稍間轉角高與舊屋難以一平微顯兩重簷槽用護縫板纏釘接殿椽遮影造作即依得建康府太廟殿室地步丈尺若蒙朝廷依今來相度到事理欲權就初獻廳奉安神主候修造了日依舊其合行典禮伏乞下禮部太常寺討論并太史局擇日施行詔依

七月十二日禮部太常寺言依已降指揮令臨安府添  
展太廟殿室權告遷祖宗神主就初獻廳權奉安料來  
畢工却合告遷祖宗神主還殿室行正奉安并時前奏  
告告遷行禮所有合行事件並乞依紹興七年禮例關  
報所屬差辦施行自後凡遇修整雅飾等奏告告遷奉  
安除牲牢每室各用羊一豕一豕外其  
請降香祝差官差辦人物等並檢照逐次休例申請

十二年五月九日權禮部侍郎施垌等言檢會大觀二  
年顯恭皇后故事于大殿後修建別廟殿室奉安神主  
并修齋舍神厨等所有將來大行皇后係懿節神主附  
廟合依顯恭皇后禮例子別廟奉安神主乞令太常寺  
官同臨安府知通于見今太廟殿室之後相度修建施  
行詔依

二十六日禮部太常寺言乞已降指揮太常寺官同臨  
安府官相視到下項 一乞于太廟北牆外展套地步  
九丈修建別廟殿室三間 一別廟禮例合置神厨齋  
舍遇祭享差行事官合用大樂緣今來太廟別無地步  
欲就用太廟神厨齋舍其合室登歌樂并所差行事官  
乞從太常寺隨宜措置條具申請施行詔依

十六年四月二十二日禮部太常寺言今討論太廟既  
增遶豆簋簠倍于舊數見今正廟七間通設祖宗神主  
至于安設禮器地步狹窄今相視西向牆內有地一十  
餘丈欲從西增建六間通一十三間為十一室東西兩  
間為夾室以稱嚴奉兼見今太廟未有東西廊室屋欲  
乞增蓋廊廡及西神門以應廟制詔依令兩浙轉運司

添修

五月九日禮部太常寺言兩浙轉運副使吳炯等劄子  
備奉聖旨指揮添展太廟今相視舊殿經隔累年揆插  
不齊難任久遠欲增添修新木直建一十三間與兩廟  
相湊事後批送禮部太常寺看詳今契勘在京廟制每  
室東設戶西設牖西牆作祔室藏祖宗帝后神主又有  
東西夾室其夾室止設戶見今行在太廟係隨宜修蓋  
未曾安室祔室今既創行修蓋即合體做在京廟制同  
殿異室修蓋及將殿東西作兩夾室其兩夾室止合設  
戶一十一室依廟制設戶牖其殿南北深七丈每室于  
西壁從北以南一丈二尺作厚牆隨宜安設祔室其西  
夾亦合室祔室藏順祖室神主并逐室祔室合用金釘

朱戶黑漆跌座乞一就製造施行詔依

十五日禮部太常寺言兩浙轉運司申奉旨增修太廟  
所有創蓋祭器庫屋五間及撥移妨碍冊寶殿三間未  
有地步契勘得省倉屋三間東西濶九丈南北長一十  
丈正在太廟地步北壁中若行展套可以隨宜修蓋其  
妨碍倉屋等處合行折移修展乞下禮部太常寺同共  
相度施行後批送禮部同太常寺看詳今看詳欲依兩  
浙轉運司所申展套倉屋乞行下戶部照會起折應副  
并審度除合展套西南角見今牆外行路二丈充行事  
官隨宜過往道路外有力斜照直妨碍近北東西二丈  
五尺不須展套可以隨宜撥移修蓋神厨等屋詔依  
二十年四月二十五日禮部太常寺言據幹辦太廟兼

主管別廟李肖等劄子近因霖雨點檢得大殿柱脚向東走起諸室內外廊廡兩山壁各有津漏損爛去處伏望申明朝廷施行尋牒委太社今韓彥直相視委如肖言勘會今來翻瓦整葺太廟殿室例禮例合擇日奏告告遷神主權行奉安伏乞朝廷速賜指揮行下而浙轉運司疾速如法翻瓦整葺施行詔依用五月二十三日宗帝后神主于初獻廳權奉安至七月十五日翻瓦整葺畢工用七月二十四日戊戌奏告告遷祖宗帝后神主遷殿室止奉安

七月二十一日禮部太常寺言已降指揮翻瓦整葺太廟殿室權告遷祖宗神主就初獻廳權奉安今已修整了畢合告遷祖宗神主還殿室正行奉安之禮并合時前奏告告遷行禮詔依其請降香祝合用幣帛羊豕酒料酒齊幕次等及差奉禮郎等

官并差撥衛親從官攬擎腰輿華官定時刻擇官等  
並如逐次奏告告遷奉安之制以後或遇大禮修飾等  
奏告告遷奉安並做此

三十一年十一月二十四日禮部太常寺言恭文順德  
仁孝皇帝祔廟當遵本朝已行典故遷翼祖而祔欽宗  
今翼祖當遷于夾室其殿宇不更須增展止合依位序  
遷于諸室內修置祔室詔恭依

三十二年正月三日行在尚書省關行宮禮部太常寺  
言勘會恭文順德仁孝皇帝祔廟權告遷祖宗帝后神  
主就齋廳權奉奉安將來修奉祔室畢合告遷還殿室  
正行奉安并時前奏告告遷行禮今參酌禮例比附條  
具到合行事件 一告遷祖宗帝后神主還正殿當遷  
翼祖皇帝簡穆皇后詣夾室順祖皇帝惠明皇后祔室

之次安奉今來室內合排設祭器等緣夾室內狹窄今  
欲乞將翼祖室神主就外殿隨宜南設釘室設幄次遷  
出神主以俟行禮及日後遇有非泛奏告等亦乞依此  
施行 一奉安并時前奏告合用御封降真香二十五  
合正奉安一合時前奏告別廟處 乞令行在太常寺下  
入內內侍省請降 一奉安并時前奏告合用祝文二

十五首一十二首並述以時前奏告神主還殿室之意

迎奉一奏告別廟懿節皇后述以太廟修整柩室畢工

並乞下行在學士院修撰 一奉安及奏請合差禮儀

使一員乞依禮例降勅差宗室南班觀察使以上充時

前奏告及奏請告遷合差奏告官一員乞依禮例降勅

差太常寺官充並前一日赴太廟齋舍致齋 一行禮



儀注乞從行宮太常寺修定報關合用日時乞下行宮

太史局選定及差尅擇官一員前一日太廟祇應詔依

選定正月九日丙子奏告告遷祖宗神主還殿室正奉  
安畢次遷用閏三月十一日戊寅故宗皇帝神主附廟

九月十一日禮部太常寺言勘會已降指揮故祀郭氏

追冊為皇后係安穆今檢准章懷皇后并懿節皇后禮

例祭于別廟今來別廟殿宇一座見奉安懿節皇后神

主將來追冊皇后附廟後每遇荐享等行禮委寔窄隘

欲乞令禮官同兩浙轉運使相視增修分為二室以西

為上各置戶牖奉安懿節皇后及追冊皇后神主并擇

載本廟齋廳權行奉安懿節皇后神主候畢工日告遷

還殿詔依選用九月二十九日壬戌告遷懿節皇后神  
主于齋廳權安奉至十二月十日增修別廟

畢工用十三日乙亥告遷還殿室正奉安畢選用十二  
月二十七日己丑安穆皇后神主附享畢奉安于別廟

十一月十六日權工部侍郎兼權太常少卿王普言謹  
按春秋公羊說曰主藏廟室西壁中以備火災左氏說  
曰主祔于宗廟言廟有祔室以藏神主漢儀藏主于西  
墻壁塹中去地六尺一寸蓋塹即祔室也非特備災亦  
神道尚幽之義然則古者廟必有主主必有祔鄭原繁  
曰先君成公命我先人典司宗祔此諸侯廟主之祔也  
衛孔悝使式車及祔于西圃此大夫廟主之祔也開寶  
通禮別廟時享孝明孝惠皇后享日宮闈令入室開塹  
奉出神主置于座政和五禮時享別廟儀享日祠祭官  
贊奉神主宮闈令于祔室內奉惠恭皇后神主于神幄  
啟匱設于座至送神樂止祠祭官贊奉神主入祔室宮  
闈令納神主于匱捧入祔室然則本朝國故事別廟後

亦有祔室自藝祖至于徽宗未之有改也昨紹興五年  
祖宗帝后神主至自温州始建太廟纔為屋五間後稍  
增至七間皆有殿而無室但置神主并匱于案上以帳  
幃之每遇祭享則就案啟匱而荐獻于前其草創如此  
十二年祔懿節皇后乃建別廟亦如太廟之草創也十  
六年新造禮器告成詔增遽豆簋簋之數悉依典禮而  
太廟殿上迫狹不能容之于是始作新廟凡十三間除  
東西夾之外為十一室各開戶牖安祔室于西牆畧倣  
京師廟制唯別廟一位祭器不多遽且仍舊以至於今  
此有司因循之過爾初無說也茲者追冊皇后將祔于  
懿節之次既修別廟分為兩室當各置祔室如畧累朝  
故事庶幾二后神靈得安其居欲望朝廷特賜敷奏施

行詔依

乾道三年七月二日禮部太常寺言勘會今來大行皇

后

係安恭

上仙依昨來安穆皇后禮例祭于別廟今來

別廟殿宇見奉安懿節皇后并安穆皇后神主係一殿

兩室所有將來大行皇后神主祔廟依典故合同殿異

室欲乞令禮官同兩浙轉運使司官相視增修別廟為

三室各置戶牖以西為上於安穆皇后之次所有沿室

法物等欲令乞工部下文思院製造及令兩浙轉運司

擬裁太廟齋廳權行安奉懿節皇后安穆皇后神主候

畢工日告遷還殿詔依

選用七月二十一日丙辰告遷

廳權奉安至七月十二日增修別廟畢工用十八日癸

未告遷還殿室正奉安畢用閏七月二十一日丙戌

安恭皇后神主祔享畢奉于別廟

奏告告遷奉安行禮儀

凡遇修葺雅飾太廟別廟並遵用此儀制

奏告儀

其日五更有司排辦香幣贊者引太官令升殿入實酒  
脯等次引光祿卿升殿監視訖奏告官以下各服祭服  
祠祭官引宮闈令詣殿下北向再拜訖升殿上之東西  
向立次贊者引奉禮郎太祝太官令詣殿下北向立次  
禮直官引奏告官詣殿下之東階之東西向立祠祭官  
于殿上贊奉神主宮闈令奉遷神主祠祭官殿上贊奉  
神主訖禮直官贊有司謹具請行事贊者曰拜在位者  
官皆再拜訖次引奉禮郎升殿詣僖祖室香案前西向  
立次太祝于殿上之東西向立太官令于酒尊所北向  
立禮直官引奏告官詣盥洗位北向立搢笏盥手悅手

執笏升詣僖祖室香案前搢笏上香再上香三上香跪  
奉禮郎搢笏跪奉幣奏告官受幣奠幣執笏俛伏興再  
拜訖奉禮郎執笏興先詣順祖室西向立奏告官次詣  
順祖室翼祖室宣祖室太祖室太宗室真宗室仁宗室  
英宗室神宗室哲宗室徽宗室欽宗室次詣別廟懿節  
皇后室安穆皇后室安恭皇后室行禮並如上儀訖引  
奏告官降階復位少立次引太祝詣僖祖室東向立引  
奏告官再詣盥洗位北向立搢笏盥手帨手執笏詣爵  
洗位北向立搢笏洗爵拭爵以授執事者執笏升殿詣  
僖祖室酒尊所西向搢笏跪執爵俟太官令搢笏跪酌  
酒訖以爵授執事者執笏興太官令執笏興先詣順祖  
室酒尊所北向立奏告官入詣僖祖室香案前北向進

跪執爵三祭酒于茅苴奠爵執笏俛伏興先詣順祖室  
奏告官再拜訖次詣諸室酌獻行禮並如上儀訖降階  
復位立祠祭官于殿上贊奉神主入室官闈令奉神主  
入室訖祠祭官于殿贊奉神主入室訖引奏告詣望瘞  
位北向立贊者引奉禮郎以下重行立定禮直官曰可  
瘞俟有司瘞幣官闈令監視訖班退

祝版藏于庫

### 告遷儀

其日時前儀衛親從官輦官于權安奉殿前排立訖祠  
祭官引官闈令詣殿上之東西南立禮直官引禮儀使  
禮直官贊者引前導宗室詣殿下北向立

禮儀使并前導宗室並常

服立

禮直官揖躬拜在位官皆再拜訖

引禮儀使前導宗室詣殿下各

分東西對立

告遷時將至禮直官引告遷官詣殿上東西向

立俟冠擇官報時及次引告遷官詣殿上當中褥位北

向俛伏跪奏稱告遷官臣某言請祖宗帝后神主降座

升輿還殿室奏訖伏興引告遷官退于殿上之東西向

立別廟祠祭官引官闈令一員詣殿上當神座階並如告遷官之儀輦官擎腰輿升殿

退次引官闈令捧遷祖宗帝后神主升腰輿訖次輦官

升殿捧擎以次進行以次別廟宮闈令帥輦官捧遷神主

儀之告遷官後禮儀使并宗室前導儀衛迎行出齋殿

門由南神門至殿泰階下北向少駐引告遷官詣輿前

南向俛伏跪奏稱告遷官臣某言請祖宗帝后神主降

輿升殿側座權奉安奏訖俛伏興升殿上之東西向立

次引禮儀使并前導宗室詣殿下北向立俟輦官捧腰

輿升殿詣逐室前置定輦官降西階于西階之西東向



立闈宮令奉遷祖宗帝后神主于神幄內西南向側座  
訖次輦官升殿捧擎腰輿降階告遷官退前導禮儀使  
并宗室權退歸幕次輦官先退儀衛親從事官以次退

奉安儀

其日時前有司排辦香幣次輦官引太官令升殿入實  
牲體禮料酒齋等次引光祿卿升殿監視訖俟時將至  
祠祭官引宮闈令詣殿下北向再拜訖升殿西向立禮  
儀使以下各服祭服贊者引奉禮郎太祝太官令禮直  
官引贊者分別陪位宗室服常服各于殿下就位北向立  
禮直官令禮儀使殿上當中褥位西向立俟尅擇官報  
時及引禮儀使殿上當中褥位俛伏跪奏稱禮儀使臣  
某言請祖宗帝后神主升正座奉安奏訖伏興退復位

西向立祠祭官引宮闈令奉遷升正座訖引禮儀使降

階詣殿東階下之東西向立

別廟宮闈令詣殿上當中  
奏諸及遷神主升正座並

儀

祠祭官于殿上贊奉神主訖禮直官贊有司謹具

請行事贊者曰拜在位官皆再拜訖引奉禮部郎升殿

詣僖祖室香案前西向立太祝于殿上之東西向立太

令于酒尊所北向立引禮儀使詣盥洗位北向立搢笏

盥手悅手執笏升殿入詣僖祖室香案前搢笏上香再

上香三上香跪奉禮郎搢笏跪奉幣禮儀使受幣奠幣

訖執笏俛伏興奉禮郎執笏興先詣順祖室西向立禮

儀出戶外再拜訖次詣順祖室翼祖室宣祖室太祖室

太宗室真宗室仁宗室英宗室神宗室哲宗室徽宗室

欽宗室次詣別廟懿節皇后室安穆皇后室安恭皇后

室上香奠幣行禮並如上儀訖禮儀使降階復位少立引太祝詣僖祖室東向立次禮儀使再詣盥洗位北向立搯笏盥手悅手執笏詣爵洗位北向立搯笏洗爵拭爵訖以爵授執事者執笏升殿詣僖祖室酒尊所西向搯笏跪執爵太官令搯笏跪酌酒禮儀使以爵授執事者執笏興太官令執笏興先詣順祖室酒尊所北向立禮儀使入詣僖祖室香案前北向搯笏跪執爵三祭酒于茅苴奠爵執笏俛伏興出戶外少立俟太祝讀祝文畢禮儀使再拜次詣逐室奠酒讀祝並如上儀退降階復位立祠祭官贊奉神主入祔室次宮闈令奉神主入祔室訖祠祭官贊奉神主入祔室訖次引禮儀使以下詣望座位俟瘞幣訖班退陪位宗室以次退

中興禮書第九十九卷

吉禮九十九

祫饗太廟三

淳熙元年五月二十六日

七廟異宮則太祖常尊後世七廟同堂唯祫饗則太祖東向始得一正太祖之尊尙祫饗又不得東向則開基之祖無時而尊矣乃者紹興五年董荼建議乞正藝祖東向之尊繼而王晉復為之請當時集議如孫近李光而下皆以其議悉合于禮藝祖東向無疑乞行釐正時臣叔父渙任將軍監丞因陞對奏陳甚力據引詩書正文乞酌漢太公立廟萬年南頓君立廟章陵事別建一廟安奉僖順翼宣四祖禘祫烝嘗並行特祀而太祖皇

帝神主自宜正位東向則受命之祖不屈其尊遠祖神  
靈永有常奉堯皇帝深以為然即擢弁為侍從渙為  
御史是時趙鼎為諫議大夫以議不已出為恥倡邪說  
以害正論然亦不敢以太祖東向為非不過謂徽宗在  
遠宗廟之事未當專議以此宣言脅制議者而欲袷饗  
虛東向其言大率不經今稽之六經禮典三代之制定  
藝祖為受命之祖則三年一禘當藝祖東向始尊開基  
創業之祖其太祖常享則奉藝祖居第一室永為不祧  
之祖若漢之高祖其次奉太宗居第二室而永為不祧  
宗若周文武若僖順翼宣追崇之祖一稽典禮親盡而  
祧四祖神主別議遷祔之所則臣亦嘗考之祔於德明  
興聖之廟唐制也立太公南頓君別廟漢制也前日王

普既用德明興聖之說而欲祔于景靈天興殿朱震欲  
乞藏于夾室今若酌三代兩漢別廟之制取唐陳京之  
說或別創一廟為四祖之廟若欲事省而禮當或祔天  
興殿或祇藏太廟西夾室每遇祫享則四祖就夾室之  
前別設一幄而太祖東向皆不相妨所有舊時集議廟  
制臣悉加銓次繕寫成兩冊繳進貼黃稱臣治平四年  
從張方平等議僖祖當祧合于禮典三月祧遷藏西夾  
室熙寧五年王安石變亂祖宗法度陰使章衡等建議  
請復祔僖祖為太廟始祖推以配天欲配太祖郊配韓  
維孫固梁燾盧士宗司馬光皆以為藝祖受命開基為  
宋始祖郊配無疑僖祖當祧不可配天抗疏力爭安石  
主其邪說愈堅孫固慮其罷藝祖配天也建議以僖祖

權居東向之位以塞配天之請既曰權居則當釐正明

矣詔可令禮部太常寺討論國禮部太常寺要載宗廟之制治

平四年三月以英宗祔廟告遷遷僖祖神主為太廟奉藏

于夾室至熙寧五年十一月復奉僖祖神主為太廟始

祖乃祔順祖元祐元年正月以神宗祔廟祔翼祖崇寧

二年十月順祖以哲宗祔廟祔宣祖至崇寧三年九月因

立九廟遂復翼祖宣祖之祀紹興三十二年四月以欽宗祔

廟復祔翼祖宣祖謂本朝廟制紹興三十二年四月以欽宗祔

禮之中商周推一本稷契以示源遠漢經秦滅學之後禮

文殘缺如高祖一時特其後遷太公于別廟蜀處其尊

定為淺近本朝藝祖立四廟之制定做唐制四廟故事

亦上稽商周源遠之意治平中間行七廟之制嘗祔僖

廟至熙寧則祔復祖之意其既祔翼祖宣祖二廟則又祔唐九

廟而詔復翼祖宣祖之位其言取兩漢魏晉而不稽唐制今

祖正藝祖復翼祖宣祖之位其言取兩漢魏晉而不稽唐制今

來臣僚所請蓋用并晉之說與宗廟事大體重未易

輕議更攷如元祐嘗損益崇寧之政雖羣臣曾有廟議而

始祖之事紹興嘗損益崇寧之政雖羣臣曾有廟議而

其說終不敢行禮曰凡祀有其廢之莫敢舉曾有廟議而

之莫敢廢也謂神不可潰也已廢而舉猶不失厚已舉

而廢斯為薄矣如藝祖既廢而又廢者蓋視不遠至

僖祖已立為始祖則永為不祧之廟典故具存世世  
 承本廟廟制大略微唐武宗時向之無不適當其情文  
 比唐為順唐尊景帝正東向之廟位而獻懿則景帝之祖  
 父也陳京建祿置獻懿于別廟顯真鄉懿愈以為禋享  
 之禮二臣精識以非陳京淺陋所最望本朝祀天地配  
 太祖祀五帝配以太宗臣于裕享辨昭穆序尊卑推  
 祖在東向之位以藝祖開基創業功德裕威大故以郊  
 推太祖其尊無上禮祖已立為始祖但裕享之時居東  
 向辨尊卑序昭穆不得不得不順裕者以合食為美子  
 孫設位尊卑南北相向禮無不順裕者以合食為美子  
 聖不先太父食如今來臣僚所請若別設一壇既無與  
 可行又太祖居東向之位正背四祖若別設位之所尊卑  
 序神靈是必有所不安如別設四祖太廟若唐獻懿祔  
 聖故神靈是必有所不安如別設四祖太廟若唐獻懿祔  
 宗廟神靈是必有所不安如別設四祖太廟若唐獻懿祔  
 輕欲乞一遵現行裕享舊制上件人寧改更之議寔不可  
 權禮部侍郎戴幾先已具奏劄面對教陳是以禮部太  
 常寺討論狀不曾付下自後有司止遵見行裕享儀制  
 禮行

禘饗

紹興二十三年二月十九日禮部狀准都省批下大理



評事黃子淳劄子劄子臣嘗考之經傳以謂大禘者禘其祖之所自出大祫者合祭也蓋所以合飲食辨昭穆尊尊親親之義今祫禘之禮尚稽講求欲望明詔有司叅訂舊典以時舉行後批送部看詳尋行下太常寺看  
看本寺申檢照政和會要及郊廟奉祀禮文自熙寧八年以前依禮例三年一祫五年一禘自元豐五年二月十八日詔罷禘饗自後別無復舉禘饗之文至今每三年舉行祫饗依禮經于室外序昭穆設幄行禮尋將郊廟奉祀禮文檢照備載熙寧祀儀禘祫饗太廟神位圖二祭所設昭穆序位一同今來本官所乞舉行禘饗之禮合依元豐五年已降詔旨施行後批送禮部依看詳到事理施行

元豐五年二月十八日詔詳定編修諸司勅式所以祫享脩為大禮式神宗因諭廟

祭以蠲為禘者本以審禘神祖之所自出故禮不王不禘蓋  
王又及其遠祖猶以為未足也推而上之及其祖之所自出其禘  
自出秦漢以後諸深不明策知其祖之所自出其禘  
禮固可廢也宰臣蔡確曰諸儒議論紛紜莫知禘之本  
意聖訓發明非臣等所及也

中禮禮書第一百卷

吉禮一百

祫饗太廟四

配饗功臣

景靈公繪像

紹興十八年二月二十三日臣僚言臣竊維自昔帝王之威必有佐命勲勞之臣一德一心功在王室或祀于太常或銘于彝鼎侑食清廟以為萬世臣子之勸國家遠稽三代肇建原廟凡是佐命配饗與夫當時輔弼勲勞之臣繪像于廟庭以示不忘崇德報功之意恭惟陛下紹開中興光復帝業首崇原廟如祖宗之制然當時輔弼勲勞之家恐歲月寢遠未易尋訪如果朝佐命配

饗之臣不過十餘人今之臣僚與其家之子孫必有存其繪像者臣愚欲望聖慈明詔有司尋復摹于景靈宮庭之壁非獨假寵諸臣之子孫所以尊崇祖宗之德業以為臣子之勸詔令禮部討論措置申尚書省

五月八日禮部言已降指揮尋訪累朝佐命配饗之臣復摹於景靈宮庭之壁本部今討論措置欲依臣僚所乞從太常寺報進奏院行下諸路轉運使下逐路所管州等處尋訪配饗功臣之家韓王趙普周王曹彬太師薛居正太師石熙載鄭王潘美太師李沆太師王旦太師李繼隆太師王曾太師呂夷簡侍中曹偉司徒韓琦太師曾公亮太師富弼太師司馬光太師韓忠彥令各家繪畫貌像投納轉司敎申禮部行下太常寺收管候

教足日令臨安府措置依畫列貌像於景靈宮庭壁繪畫詔依

十九年九月八日禮部太常寺言勘會先次措置繪畫已到功臣貌像依禮例合擇日奏告天興殿聖祖天尊大帝並中殿祖宗諸帝神御合用日辰據太史局申用九月十五日甲午吉詔依

十二日禮部太常寺言已降指揮尋訪配饗功臣貌像於景靈宮庭壁繪畫今承指揮先次繪畫已到功臣貌像止空石熙載一位候尋訪到日補畫契勘見今景靈宮與在京殿分不同今來合于中殿祖宗神御殿前兩壁繪畫欲於東壁畫韓王趙普周王曹彬太師薛居正太師石熙載鄭王潘美太師李沆太師王坦太師李繼

隆西壁合畫太師王曾太師呂夷簡侍中曹偉司徒韓琦太師曾公亮太師富弼太師司馬光太師韓忠彥今具合申請事件 一配饗功臣逐處申繳到內有服朝服服常服者所服不一緣在京景靈宮繪畫功臣並係服公服穿執兼見今中殿諸帝神御並係履袍今來繪畫配饗功臣欲依在京禮例並常服繪畫 一合用御封降真香十一合乞下入內內侍省請降 一合用青詞祝文各一首天興殿用青詞中殿用祝文並述以中殿前并脩廊壁及繪畫配饗功臣奏告之 乞下學士院修撰進書 一合用蒼幣一段長一尺小 乞下左藏庫支供 一奏告天興殿聖祖天尊大帝並奏告中殿祖宗諸帝神御合差奏告官各一員並乞依禮例降勅差侍從官二員充前一日赴景靈宮宿

齋內一員於前殿聖祖天尊大帝位前行禮者一奏告天  
興殿聖祖天尊大帝合差奉禮郎太祝太官令各一員  
並奏告祖宗諸帝神御合差太祝一員並乞依見今祀  
祭禮例差官前一日早赴景靈宮宿齋 一天興殿聖  
祖天尊大帝一位合用鵝梨法醬法酒並中殿祖宗諸  
帝神御九位每位合用茶酒菓蠟燭上香炭火燎草拜  
席褥等依禮例下臨安府排辦其炭火燈燭仍乞下景  
靈宮照會放入存留供應詔依

### 太廟位版

紹興八年三月十七日刑部尚書胡交修翰林學士知  
制朱震御史中丞周林戶部侍郎梁汝嘉工部侍郎趙  
鼎給事中胡世將中書舍人張燾權戶部侍郎王侯權

禮部侍郎吳表臣權禮部侍郎陳公輔起居郎權中書  
舍人婁炤奏奉旨令侍從官詳議徽宗皇帝祔廟配饗  
功臣臣等伏以徽宗皇帝在位二十有六年席威大之  
時色富有之業虛中屈體以來天下之英聚精會神以  
成天下之務用能上下一心同底于道于時輔相有故  
左光祿大夫尚書左僕射兼門下侍郎贈太師魏國公  
謚文定韓忠彥明允篤誠公忠亮達致位上宰無愧前  
人建中之初左右厥辟招徠俊乂列于庶位除苛解撓  
厥功茂焉雖居位日淺而始終無疵允所謂以道事君  
者歟伏請配饗臣等謹議詔依令學士院降詔先是禮  
部以配食列聖恭惟道君皇帝道懷在宥德合高明統  
御極二十有六年天下歸仁焉弼亮之賢固有其人矣  
望命官詳議取當時輔佐厚德重望為天下公論所屬



者用清祐序于大然有旨令  
從官詳議故有是詔者

二十三日詔曰門下古之有功于國者書於大常祭於  
大然凡與饗於先王則司勳詔之所以彰善於無窮也  
故在左光祿大夫尚書左僕射兼門下侍郎贈太師魏  
國公謚文定韓忠彥純誠端亮終始如一德業之威不  
忝前人建中之初入踐豕司損益施設成天下之務開  
不諱之門塞私邪之路選賢任能各當其職一時忠鯁  
之士遂能擊強禦凶所向摧折當乎人心後世賴之以  
克有濟朕覽舊史慨然嘉歎允所謂世濟其美不隕其  
名者也夫善建者其擇必遠厚施者所報必隆其以忠  
彥配饗徽宗皇帝廟庭

二十七年六月二十三日禮部言臣僚劄子奏臣聞者

盤庚之告在位曰茲予大饗於先王爾祖其從與享之  
周官司勲曰凡有功者銘書于王之太常祭于大烝則  
功臣配享配祭清廟從古以然矣伏讀咸平詔書命太  
常禮院定配享功臣禘祫之日記儀有司具設幄次位  
版與籩豆簋簠之制則配享功臣預祖宗祫享之禮亦  
已久矣國家三年一祫係祖宗合食大典廟制已定典  
禮備詳依儀合設七祀並配享功臣緣昨來禮寺初議  
宗廟五享之禮隨宜參酌務從簡省以祀祭天地從祀  
並未舉行乞權設七祀配享功臣位今三歲親郊從祀  
悉已舉行而有司不時討論每遇祫享循例申請功臣  
配祀久廢不講遂使歷代功臣藻繪形容徒列太室之  
庭弗預太烝之祭誠為闕典仰惟陛下撫重熙之運篤

奉先之孝郊廟禮文墜典咸舉今年孟冬適當祫享之  
歲臣愚欲望聖慈舉行咸平詔書所有七祀並配享功  
臣前詔禮官講求舊典以祫享之日依儀排設俾預精  
純之薦庶幾上慰祖宗之靈下為忠義之勸其自今後  
應冬饗則設配享功臣臘享則設七祀亦乞遵依舊制  
施行詔令禮部看詳尋行下太常寺勘會今來臣僚陳  
請祫享合設七祀配享功臣及冬享設配享功臣臘享  
設七祀依得政和五禮新儀欲依臣僚所請其合設位  
次及差禮官行事並合用牲牢祝文禮料酒齋等乞依  
祠祭禮例報所屬差官排辦詔依

是歲十月二日祫享  
太廟始設七祀及功臣

臣位

隆興二年十月十六日禮部太常寺言太廟配享功臣

其神位版書官封姓名內仁宗皇帝廟庭配享功臣侍  
中曹從韋從韋犯皇帝御舊名檢照紹興文書令御名正字  
皆避之若書籍及傳錄舊事者為字不成今曹侍中名  
犯御舊名所設位版欲比附上件傳錄舊事為字不成  
條令重別雕造並景靈宮繪畫配享功臣內題寫曹侍  
中名亦乞令本所重別題寫詔依

乾道五年九月十三日太常少卿林栗丞陳損博士龔  
滂主簿馮仲夷劄子契勘今歲孟冬祫享在近所有徽  
宗皇帝廟庭配享臣僚尚歷其位恭惟欽宗皇帝仁孝  
天稟遭值額運艱難求濟莫救淪胥當時臣僚罕可稱  
述而以身殉國名節顯著者迺有其人太上皇受命中  
興伏節死義之臣不為無助雖其生前官品不應配享

之科然事變非常難拘定制因循九載欲望敷陳奏特  
降明詔令侍從臺諫集義以聞詔依

十九日吏部尚書汪應宸奏臣謹按周禮司勳凡有功  
者銘書於王之太常祭于太烝蓋以其有功特褒異之  
以示勸也本朝一祖七宗皆以宰輔配享名寔俱稱人  
無間言恭惟欽宗皇帝遭時艱難其所圖任共政之臣  
皆未有能稱其任者非常之變自古所無今若欲應故  
事苟令備數必無以厭愜公論上非所以尊宗廟下非  
所以勸有功至于當時死事之臣前後非一建炎以後  
皆以次第輕重有所取舍尤不可以輕易昔唐文宗武  
帝宣宗皆無配享功臣蓋配享之意主於勸功司勳掌  
之而名曰功臣其意可見非宗廟之禮必待此而後備

也伏見本朝建閣立名以寶藏御集獨太祖英宗兩朝  
即無御集閣亦不建蓋雖宗奉祖宗然必審其寔必當  
于理不虛尚文飾以強塞人情而已臣竊謂欽宗配享  
功臣無其人則當闕之既合于周禮司勲之義又有唐  
故事又有本朝建閣體例伏乞聖慈特降指揮令更不  
集義貼黃稱臣伏見治平二年詔議濮安懿王典禮元  
祐八年詔議郊祀尋有指揮罷議蓋或議或罷惟其事  
之可否而已詔依

中興禮書第一百一卷

吉禮一百一

時饗太廟別廟一

有司行事建炎四年十月四日權太常少卿鄭士彥奉詔差護從宗廟神主迎奉往温州奉安為禮器未備每遇月朔五饗權用酒脯行禮及乞令本州疾速添修合用禮器候齊足日依在洪州禮例用牲牢禮料行禮及契勘自來宗廟行禮係監察御史一員詣廟檢察今來温州奉安即未有官檢察欲就令護從神主太常少卿檢察所貴崇奉宗廟行禮嚴肅詔依

紹興元年四月十六日行在禮部太常寺言大行隆祐皇太后崩檢准禮例唯祭天地社稷及諸大祠其太廟

及中祠並權停候攢官畢日仍舊詔依

二年十月十二日禮部太常寺言准都省批下神主神  
御提點所狀勘會今來孟冬祫饗太廟祫饗後已選日  
時亨竊以禮有隆殺因時為之制祭不敘數數則煩歷  
代之祭或當祫之月減時祭或緣禘祫時饗暫停本朝  
遇郊祀亦罷臘饗考禮揆時宜得疎數之中今歲孟冬  
祫饗又孟饗并朔祭及薦新一月之內薦饗為煩欲乞  
權罷孟冬時饗在禮不黷於時為稱候平定日悉如舊  
制太常寺檢會五禮新儀太廟三年一祫以孟冬之月  
其年以孟冬時饗前擇日祫饗太廟勘會今來即合於  
孟冬時饗前擇日行祫饗之禮其孟冬時享亦合行禮  
詔依



四年三月二十二日禮部言准都省批下權太常少卿  
太廟景靈宮提點江端支奏伏見國朝故事時享太廟  
別廟其獻官行事執事官並前十日受誓戒於尚書省  
散齋七日致齋三日昨緣迎奉至揚州日有司申請從  
簡不受誓戒止赴祠所致齋一日循習至今竊恐因而  
廢墮欲乞今後遇饗廟並依故事前十日受誓戒於太  
廟齋坊令初獻讀誓文檢察太常少卿通攝刑部尚書  
泣誓散齋七日致齋三日仍令温州於太廟近便處踏  
逐寺觀充齋舍祠前一日質明赴祠所後批送部尋下  
太常寺勘會欲依本官所乞詔依

六年十月八日行在禮部太常寺言准勅宗廟神主於  
能仁寺權奉安訖若降指揮行正奉安合舉行每月朔

祭薦新五饗之禮所有依巡幸禮例未正奉安遇朔饗  
日止係太常寺官燒香奉旨先權奉安餘條具申尚書  
省續准臣僚上言近歲時歲時享徒以有請勿殺牛者  
至三牲不備而謂之隨宜願明詔禮官參稽曲禮舉而  
行之仰惟陛下祇事神靈之意詔依奏今勘會五享初  
獻亞獻終獻各一員自來係大宗正司差官欲乞下大  
宗正司差團練使至刺史一員充初獻內亞終獻乞牒  
平江府輪差寄居近上宗室如閩差見任外官宗室充  
又太常寺狀契勘初獻依條係差觀察使以上昨温州  
降指揮差崇州團練使士街充今來乞依上件例差團  
練使以上監察御史一員乞依自來條例輪差捧羊俎一員以兵部尚書  
侍郎官泣誓一員以刑部尚書侍郎官光祿卿光祿丞各

一員

以太常寺官開  
平江府差文官充

奉禮郎太祝太官令各一員薦

香燈官五員

並乞縣平江府差文臣捧俎官四員  
並乞

江府差文武官宮闈令六員

二員就本朝官四員  
開入內侍省貼差

詔依

七年正月二十五日禮部太常寺言道君皇帝寧德皇  
后上仙參酌列聞喪恤禮自發哀至祔廟停宗廟祭饗  
并中小祠及禁樂詔依

十年十二月二十九日禮部太常寺言准勅節文太常  
少卿陳桶劄子奏仰惟國家奉事宗廟有薦新有朔祭  
有時享薦新用新物朔祭用羊時享用少牢祫享用太  
牢此常禮也今每月薦祭儀物畧具而祫與時享每室  
止用一羊願詔有司自今時享復用少牢其將來祫享  
乞檢照紹興六年詔旨復用太牢詔令禮部太常寺討

論申尚書省今勘會依儀時享係用少牢昨緣太廟殿  
室隘窄難以依儀排設其時饗權用羊行禮今來太廟  
殿室並已展修可以依儀排設今討論欲自今時享並  
依本官所乞詔依

十二年四月二十六日權禮部侍郎施垌等劄子近討  
論大行皇后合行典禮內停宗廟祭及中小祀係用孝  
明皇后章穆皇后故事竊詳當時所以止停宗廟祭及  
中小祀者蓋是引用禮經唯祭天地社稷為越絰而行  
事謹按禮經越絰行事蓋為三年之喪七月未葬之故  
故上文云喪三年不祭儀禮曰為妻之服期檀弓之說  
魯哀公有為妻齊哀之文今以齊哀期喪而引用三年  
之喪禮殊失先儒不以卑廢尊之義竊恐難以遵用况

祭祀不行乃國之大事臣子所不敢怠今來大行皇后之喪未祔廟前所有宗廟祭及中小祀欲望特下停罷非惟有令禮經且使糾繆之典釐正於聖朝庶幾後世無得而議詔依

十四年正月十二日太常寺准內侍黃昭慶劄子奉旨太常寺今後孟春薦享宗廟可依在京例於下旬擇日十五年四月六日禮部言准都省批下太常丞王湛劄子近建懿節皇后別廟每遇五享止於太廟殿上設登歌樂殿下設官架樂至於別廟行禮却用別廟樂曲就太廟殿上間作於禮未順今相度別廟殿下地步窄隘難以設官架外欲今後享廟日於別廟添設登歌樂依儀三獻捧俎官并徹籩豆官詣別廟行禮合就別廟殿

上依節次作登歌樂其合用官架樂却於太廟殿下通作後批送部看詳尋下太常寺檢准五禮新儀薦享別廟殿上設登歌之樂殿下設官架之樂昨建懿節皇后別廟量地隨宜修蓋見今每遇五饗止就用太廟登歌官架之樂於禮實為未順欲依本官所請施行詔依

二十年七月四日禮部太常寺言見今整饬太廟依紹興十六年例權奉安神主於初獻廳當時每遇薦饗行禮係每位各用十二邊豆今已添用禮器邊豆每位各二十六及五齊三酒與舊不同緣本廳地步隘窄依次排辦不盡將來孟姊薦饗合用禮器欲乞量地隨宜通融盡行鋪設詔依

二十五年七月二十五日禮部太常言郊祀大禮修整

太廟別廟殿室依禮例合造遷祖宗帝后神主於初獻  
廳及告遷別廟神主於冊寶殿推行奉安若遇時饗太  
廟令設宮架大樂其權奉安處地步隘窄難以施設欲  
依禮例權用登歌樂通作宮架之曲候奉安畢日依舊  
詔依

二十七年六月二十三日禮部言准勅臣僚劄子乞舉  
行咸平詔書以祫享之日依儀排設七祀并配饗功臣  
及自今後應冬饗則設配饗功臣臘饗則設七祀亦乞  
遵依舊制奉聖旨令禮部看詳尋下太常寺契勘前項  
事理依得致和五禮新儀欲依所請施行詔依  
二十九詳見  
禮門年九月二十二日禮部太常寺言大行皇后上  
仙自舉哀至祔廟合停宗廟祭饗詔依

三十一年五月二十二日權禮部侍郎金安節等言孝  
慈淵聖皇帝升遐自舉哀祔廟合停宗廟祭饗并中小  
祀詔依

三十二年十二月二日臣僚劄子古之祭者室事交乎  
戶堂事交乎階自始行事至於禮成蓋不甚久故有強  
力之容肅敬之心者不至於倦怠也開寶通禮時饗太  
廟四室初獻纔畢而二舞易綴亞獻將畢而終獻已升  
是亦古者交事乎戶階之旨太廟十有一室并與別廟  
同時而祭亞獻復位而文舞始退武舞立定而終獻詣  
洗所同時刻頗多有司侍祠不勝其久非特破侍乃至  
有顛仆者欲乞將來安穆皇后祔廟及太廟別廟逐時  
祭饗並做開寶通禮文舞用於初獻以前武舞用於亞



獻以後仍於亞獻既入太室即引終獻相繼行事其間如墮祭之與合樂肺祭之與奉俎束茅之與徹豆皆可並行而不相悖者庶幾百辟卿士各盡虔恭以稱主上嚴奉宗廟之意詔依

乾道三年閏七月十日御史臺禮部太常寺言奉詔近來宗廟祠祭多不嚴潔可令禮部太常寺御史臺同共措置今措置下項 一神食禮料蠟燭於未實設前光祿丞太官令點視供官依儀實設次光祿卿次監察御史升壇殿點閱 一酒齊亦於未實設前光祿丞太官令監視供官先次點檢數目然後盡數實入尊壘如有設不盡餘酒於殿側設定以俟光祿卿及監察御史再行點閱 一禮畢監察御史升殿同太官令監視元設

禮料酒齊內蠟燭俟收徹畢方許熄滅監察御史俟收  
徹畢方退 一牲牢於祠前一日太官令依時監視牛  
羊司宰殺洗滌淨潔除打割合造神食外其餘胙肉令  
太官令監視牛羊司用蠟封閉俟收徹畢監察御史列  
開鑊同太官令將餘胙並奠餘酒之類令牛羊司等人  
例元例數目當官呈驗俵散 一祭器委太常寺官監  
視當行人吏督責祭器司於祠前一日如法洗滌務極  
潔淨監察御史躬親檢察 一祭服并祇應人法衣并  
令祇候庫選擇鮮潔者如本庫委無見管堪好衣服即  
下文思院依條修葺換造一大中小祀行事官稱疾請  
假者依條牒醫官局看驗涉詐妄者彈奏 一致齋日  
官吏不得聚飲喧笑務在恭肅 一所用牲牢器皿禮

料等如不獨潔行事執事官吏諸色人如不嚴肅及違  
犯今來約束並令監察御史具名彈奏取旨內無官人  
送大理寺依條斷遣

內祠祭無察官去處  
即委本祭獻官檢察

詔依

高宗建炎二年七月七日内出御札曰天子必有尊斯  
極兩儀之奉聖人能饗帝故膺多福之崇朕以耿躬嗣  
承鴻業念險阻艱難之未濟常嚴恭寅畏而靡寧乃應  
乎天維新其命兆民欣戴而無離德大將數起而火凶  
年遣使交鄰庶底干戈之載戢出師蕩寇已臻枹鼓之  
稀鳴顧廟社之復安實神祇之並貺惟世祖建武之二  
載始立郊位之規而肅宗乾元之初年嘗行禋祀之典  
雖屬羽檄交馳之際豈忘天地祇事之誠在古有稽於  
今敢息是用遵累朝之成憲舉三歲之親祠謁款紫壇

升侑烈祖哀萬靈而咸秩洽百禮以精禋列陳嘉遘聿

中興禮書第一百二卷

吉禮一百二

時饗太廟別廟二

淳熙二年十月十四日禮部狀准都省批下判太宗正  
事嗣濮王士輅劄子檢准太宗正司令諸宗室正任以  
上太廟太詞行事聽於睦親宅都廳及北宅小學致齋  
今來獻官自行踏逐去處致齋竊恐穢惡欲望朝廷特  
降指揮令遵守祖宗舊法施行後批送禮部勘當本部  
尋送下太常寺勘當欲依士輅所乞事理施行劄下太  
宗正司依勘當列事理

四年十月五日禮部太常寺言准都省批下太常博士  
章謙劄子奏臣按開寶通禮致齋官無本司者於郊社

太廟齋坊慶歷祀儀於武成王廟五禮新儀於太常齋舍未有於私廨者今行在釐務官浙西安撫司官臨安府屬官間有無本司者每至於致齋只在私廨家事喧雜何以致敬欲望明詔攸司遇致齋官無本司者聽於隣近寺觀後批送部看詳尋送太常寺看詳行事官無本司者如差充太廟五饗等行事依儀合於太廟坊致齋若差充祭太社太稷行事官依儀合於太社官致齋其餘祠祭行事官聽於隣近寺觀致齋詔依

時饗太廟別廟儀

時日

太常寺預於陽季以孟春擇日饗太廟別廟開太史局孟夏孟秋孟冬並准此若臘享則預於陽季以季冬臘日享太廟別廟太史局擇日報太

常寺

職享則以其日報太常寺

太常寺參酌訖具時日散告

齋戒

前享十日受誓戒於尚書省其日五鼓贊者設位版於

於都堂下初獻官在左刑部尚書在右並南向亞終獻

位於其南稍東北向上

若冬享職享則又設禮官位於終獻之東其揖位省牲位省領

此准監察御史位於其西稍北東向兵部工部尚書押

樂太常卿光祿卿押樂太常丞光祿丞位於其南稍西

北向東上

凡設太常丞光祿丞位稍却

奉禮協律郎太祝太官宮闈

令位於其東西向北上捧俎官薦香燈官位其後質明

贊者引行事執事官就位立定禮直官引初獻降階就

位禮直官贊揖在位者對揖初獻措笏讀誓文云某月

某日孟春薦享太廟別廟

夏云孟夏秋云孟秋冬云各孟冬臘饗云季冬臘饗

揚其職不共其事國有常刑讀訖執笏禮直官贊奉禮  
協律郎太祝太官官闡令以下先退餘官對拜乃退散  
齋七日治事如故宿於正寢不弔喪問疾作樂判書刑  
殺文書決罰罪人及與穢惡致齋三日光祿卿丞太官令齋  
一日二日於本司宗室於睦親宅都廳如相妨即於宗  
學餘官無本司者並於太廟齋坊賃  
明至唯饗事得得其餘悉禁前饗一日質明俱赴祠所  
齊所齊宮官給酒饌饗官已而闕齊者通攝行事

陳設

前饗三日儀鸞司設饌幔於東神門外別廟饌幔於本  
廟每室饌幔各一若各享則設配饗功臣各為一次於殿下橫  
街之南東西相向每室配饗功臣各為一次於殿下橫  
則設七祀次一於前二日有司牽牲詣祠所前一日  
街之北道西東向  
官闡令帥其屬掃除廟之内外太常設祭器凡設祭器  
皆藉以席



豆又加中蓋以  
俎告潔既畢權徹

有司陳牲於東神門外當門西向祝

史各位於牲後太常設省牲位於牲西三獻官在道南

北向兵部工部尚書押樂太常卿光祿卿押樂太常丞

光祿丞奉禮協律郎太祝太官官闈令在道北南向俱

西上

凡設押樂太常丞以下位皆稍却若饗日則不設  
光祿卿丞官闈令位

監察御史於兵部尚書之西少北太常陳禮饌於東神

門外却東道北南向設省饌位版於禮饌之南三獻官

在南北向西上監察御史在西東向兵部尚書押樂太

常卿光祿卿押樂太常丞光祿丞奉禮協律郎太祝太

官官闈令在東西向北上捧俎官薦香燈官在其後太

常設登歌之樂於太廟別廟殿上前楹間却南北向設

宮架於太廟庭中立舞表於鄼綴之間饗日丑前五刻

禮直官贊者諸司職掌各服其服宮闈令人殿開室整拂神幄帥其屬掃除鋪筵在室內北墻下南向几在筵上如常儀太常陳幣篚各於神位前之左幣以祝版各於神位之右置於坫次祭器實之每室左二十有六邊為四行以右為上右二十有六豆為四行以左為上俎二一在邊前實以羊一在豆前實以豕又俎六在豆右為三重以北為上第一重實以羊豕豕首各一第二重實以羊豕豕首各一第三重實以羊豕豕首各一在左端九橫載第三重一實以羊豕豕首各一載如腥皆羊登一在邊豆間大羹以釧三在登前籩八籩八在邊豆外二俎間籩在左籩在右籩實以稌梁實以稻稷在黍前登一在邊之在左肝實以粢一在室戶外稍東實以爐炭於室戶外之左稍前置蕭蒿於篚設尊鬯



位於東神門外如省牲位

唯不設光祿卿丞捧俎開瘞

坎於太廟別廟殿西階之東方深取足容物南出陞設

望瘞位於太廟瘞坎之南如省饌之位

唯不設光祿卿丞捧俎

官薦香燈官官廟令若臘饗則積七祀燎柴於西神門外

又設三獻官席位於殿下

東階之東南西向而立

禮若冬饗臘饗則又設兵部工部

尚書於其南西向北上監察御史押樂太常丞席位於

殿庭之南北向奉禮協律郎太祝太官令位其後俱西

上光祿卿席位於監察御史之東北向又設監察御史

位於殿上前楹西架東向奉禮郎太祝在東西向北上

押樂太常丞於樂廡之北太官令於酌尊所俱北向協

律郎位二一於太廟殿上前楹間稍西一於宮架西北

俱東向押樂太常卿位於宮架北北向

省牲器

前饗一日行事執事官集初獻齋所肄儀太祝習讀祝

文及眠幣訖次禮直官贊者分引行事報事官凡初獻

直官引餘詣東神門外省牲位立定禮直官贊揖訖次

官贊者引引押樂太常卿入行樂架次引監察御史入升自西階

凡行事執事官眠滌濯執事者舉冪曰潔次詣別廟眠

升降皆自西階滌濯如上儀訖復位立禮直官稍前曰告潔畢請省牲

太祝出班巡牲一匝詣初獻前西向躬曰克退復位光

祿丞出班巡牲一匝詣初獻前西向躬曰肅退復位禮

直官贊省牲畢請詣省饌位揖訖引行事執事官各就

位立定禮直官贊揖所司省饌具畢禮直官贊省饌畢

揖訖俱還齋所光祿丞太祝以次牽牲詣厨授太官令

次引監察御史詣厨省鑊眠祭滌滌協律郎展眠樂器  
 乃還齋所未前一刻太官令帥宰人以鸞刀割牲祝史  
 以槃取毛血各置於饌所遂烹牲脯後宮闈令帥其屬  
 掃除廟之内外訖還齋所

晨裸

饗日丑前五刻行事春冬用丑時七刻夏秋用丑時一刻祠祭官引官闈令

入詣殿庭北向立祠祭官曰再拜官闈令再拜升殿開

室整拂神幄帥其屬掃除退就執事位次引薦香燈官

入詣殿庭北向立凡官闈令薦香燈捧俎官行事皆祠祭官引祠祭官曰再

拜薦香燈官再拜升殿各就執事位次樂正帥工人二

舞入就位太廟別廟登歌工人俟監察御史點閱訖升西階各就位次太官令光祿

丞帥其屬實饌具畢光祿丞還齋所次引光祿卿入詣

殿庭席位北向立贊者曰再拜光祿再拜升殿點視禮

饌畢次引監察御史升殿點閱陳設糾察不如儀者凡

視及點閱皆先詣傳祖室以至次室及別廟光祿卿還齋所餘官各服祭服

次引行事執事官詣東神門外揖位立定禮直官贊揖

次引押樂太常卿太常丞協律郎次引監察御史奉禮

郎太祝太官令入就殿下席位北向立次引初獻兵部

工部尚書亞終獻入就殿下席位西向立若冬饗臘饗則引禮官

祠祭官於殿上贊奉神主次引薦香燈官入室措筭於

祔室內奉帝主設於座奉神主詣神幄內於几後落執

筭退復執事位次引宮闈令奉后主奉別廟宮闈令奉

后主如上儀以青羅巾覆之退復執事位祠祭官於殿上贊奉

神主訖禮直官稍前贊有司謹具請行事贊者曰再拜

在位者皆再拜次引監察御史押樂太常卿太常丞奉

禮協律郎太祝太官令各就位立定

太官令就位次引

初獻詣盥洗位北向立搢笏盥手帨手執笏詣爵洗位

北向立搢笏洗瓚授執事者執笏升殿詣僖祖室尊彝

所西向立執事者以瓚授初獻初獻搢笏跪執瓚執彝

者舉畢太官令酌鬱鬯訖先詣宣祖室尊彝所北向初

獻以瓚授執事者執笏興詣僖祖室神位前北向立搢

笏跪次引奉禮郎搢笏西向跪執事者以瓚授奉禮郎

奉瓚授初獻執瓚以匏裸地奠訖以瓚授執事者次執

事者以幣授奉禮郎奉禮郎奉幣授初獻執笏興先詣

宣祖室神位前西向立初獻受幣奠訖執笏俛伏興戶

外北向再拜次詣宣祖室太祖室太室宗室真宗室仁



宗室英宗室神宗室哲宗室徽宗室欽宗室次降西階  
俱詣別室升西階詣懿節皇后室安穆皇后室安恭皇  
后室裸鬯奠幣並如上儀訖降東側階由東廊俱復位  
立協律郎跪俛伏舉麾興工鼓祝官架作興安之樂孝  
熙照德之舞九成偃麾憂致樂止凡樂皆協律郎跪俛  
後作偃麾憂既晨裸薦香燈官入取毛血奠於神座前  
殿而後止別廟以太祝太官令取肝以鸞刀制之洗於鸞鬯貫之  
以膋燎于爐炭薦香燈官以肝膋入詔神於室別廟以  
太祝又出以隋祭于室戶外之左三祭于茅苴退復位

### 饋食

饗日有司帥進饌者詣厨以七升羊實于一俎

肩膊肱  
在上端

肱在下端正脊一直脊一橫脊一長脊一短脊一代  
脊一皆二骨以並在中

次升豕如羊實于一俎

每室羊豕各一俎

入設於饌幔內俟初

獻既升裸訖捧俎官及執事者捧俎入詣西階下北向

北上次引兵部工部尚書詣西階下搢笏捧俎

兵部奉

豕升殿官架豈安之樂作詣僖祖神位前北向跪奠先

薦羊次薦豕各執笏俛伏興有司入設於豆右腸胃膚

之前

羊在左豕在右

次詣每室奉俎並如上儀樂上次詣別廟

奠俎如前太廟之儀

唯登歌作肅安之樂

降東側階由東廊復位

初奠俎訖次引薦香燈官取蕭合黍稷搗於脂燎於爐

炭當饋熟之時薦香燈官取苴搗於醢祭于豆間三又

取黍稷肺祭如初俱藉以茅別廟以太祝退復位次引

太祝詣僖祖室前東向立次引初獻再詣盥洗位官架

正安之樂作

初獻升降行止皆作正安之樂

至位北向立搢笏盥手悅

手執笏詣爵洗內北向立搢笏洗爵拭爵以授執事者  
執笏升殿止登歌樂作詣僖祖室酌尊所西向立樂止  
登歌基命之樂作執事者以爵授初獻初獻搢笏跪執  
爵執尊者舉爵太官令酌著尊之醴齊訖先詣宣祖室  
酌尊所北向立初獻以爵授執事者執笏興入詣僖祖  
室神位前北向立搢笏執笏執事者以爵授初獻初獻  
執爵祭酒三祭于茅苴奠爵執笏俛伏興出戶北向立  
樂止次太祝搢笏跪讀祝文讀訖執笏興先詣宣祖室  
戶外東向立初獻再拜次詣每室及詣別廟行禮並如  
上儀初獻詣別廟升降登歌作崇安之樂初獻將降階登  
歌作降階樂止官架樂作復位樂止文舞退武舞進官  
架作正安之樂舞者立定樂止次引亞獻詣盥洗位北

向立搢笏盥手帨手執笏詣洗爵位北向立搢笏洗爵  
拭爵以授執事者執笏升殿詣洗爵室酌尊所西向立  
宮架作武安之樂禮洽備祥之舞執事者以爵授亞獻  
搢笏跪執爵執尊者舉冪太官令酌壺尊之盞齊訖先  
詣宣祖室酌尊所北向立亞獻以爵授執事者執笏與  
詣僖祖室神位前北向立搢笏跪執事者以爵授亞獻  
亞獻執爵祭酒三祭于茅苴奠爵執笏俛伏興出戶外  
北向再拜次詣每室并別廟行禮並如上儀亞終獻詣  
別廟酌獻登歌並作嘉安之樂初亞獻既入太室引終  
獻詣洗及升殿行禮並如上獻之儀訖俱降復位若冬  
饗則  
俟終獻將升次引禮官詣盥洗位搢笏盥手帨手執笏  
詣配饗功臣神位前搢笏跪執爵三祭酒奠爵執笏俛  
伏興再拜詣次位行禮並如上儀退復位若臘饗則俟  
終獻將升次引禮官詣盥洗位搢笏盥手帨手執笏詣

司命神位前指笏跪執笏三祭酒奠爵執笏伏興大  
立次引太祝進祝進詣神位前北向指笏跪執笏伏興大  
訖執笏興退後位禮官再拜詣每位前行禮次引太祝  
並如分獻饗以臣之儀退復位

徹籩豆遺豆各一投故處登歌恭安之樂作別廟寧卒徹樂止

次引宮闈令束茅訖俱復位禮直官曰賜昨贊者承傳

曰賜昨再拜在位者皆再拜送神官架興安之樂作一

成止祠祭官於殿上贊奉神主入祔室次引薦香燈官

搢笏奉帝主入祔室薦香燈官先捧置於神座執笏

退復位次引宮闈令奉后主并引別廟宮闈令奉后主

入祔室並如上儀退復位祠祭官於殿上贊奉神主入

祔室訖次引初獻兵部刑部尚書亞獻就望座位若

禮官就望座位引有司詣室取幣束茅苴於坎次引監察

御史押樂太常丞奉禮協律郎太祝就望座位立定禮

直官曰可瘞寘土半坎本廟官闌令監視

別廟殿下官闌令監視

次引初獻以下詣東神門外揖位立禮直官贊禮畢揖

訖退

若廟饗則次引禮直官詣西神門外七望餘位立有司置祝版于燎柴焚訖退

太官令帥

其屬徹禮饌次引監察御史詣殿監視收徹訖還齋所

宮闌令闔戶以降太常藏祝版於匱光祿卿以昨奉進

監察御史就展視光祿卿望闕再拜乃退